

# Ленин жұлдызы

Шығуына  
24-ші жыл  
№ 165  
(65114)  
1943 жыл  
Жұма  
27 август  
Бағасы  
20 тыйын

КК(б)П Солтүстік Қазақстан Облыстық Комитетінің, еңбекшілер депутаттарының Облыстық Советінің және КК(б)П Петропавл Қалалық Комитетінің органы

## Күздік егісті ойдағыдай аяқтайық

Қазақ ССР Халық Комиссарлары кеңесі мен КК(б)П Орталық Комитеті күздік егістің қарқынды неғұрлым шайттып, оны тез аяқтау мақсатымен республикамыздың батыс және солтүстік-шығыс облыстарында күз егуді аяқтау жөнінде августтың 25-не дейін майдандық онкүндік ұйымын арнаулы қаулымен жариялады. Республикамыздың солтүстік және солтүстік-шығыс облыстарында, оның ішінде біздің облыстың қолхоздары жұмыстың қарқындылығын күшейтіп, бұл онкүндік кезінде күздік егіс планын сапалы және толық орындауға, ол үшін күшті шын мәнісінде жұмыс істеу тиіс еді.

Облысымыздың алдыңғы қатарлы қолхоздары, МТС пен совхоздары күз егу жұмысын шын мәнісінде қарқынды атқылап, қара бидайды атқылау ғылымы белгілеген мезгілге септі. Узын көл және Мамлют қолхоздарының жұмысшылар қолы күздік егуде жұмысты жақсы ұйымдастырып, белгіленген норманы күнбе-күн толық және артымен орындауы үшін барлық күш-жігерін жұмсады. Осының нәтижесінде бұл совхоздар күздік егіс планын майдандық онкүндік кезінде орындап, егіннен соғыс уақытында талабына лайық неғұрлым өнім алу үшін ең негізгі шарттардың бірін орындады. Коновалов қолхозында күздік егу жұмысының қарқындылығы майдандық онкүндік кезінде барынша күшейді. Колхозшылар күздік егісті егін жыйнау, мемлекетке тапсыру, жұнарлы мал азығын жасау жұмыстарымен ұштасып жүргізді. Осының нәтижесінде егін қамтуындағы барлық қолхоздар күздік егісті дер кезінде аяқтай отырып, майдандық онкүндіктің талабын толық орындады.

Облысымызда күздік егу жұмысы майдандық онкүндік кезінде аяқталуға тиіс еді. Бірақ айта кету керек, бұл шарт орындалмады. Жұмыстың қазіргі қарқынды қанағаттанарлық деңгейі айтуға болмайды. Күздік егіс планы облысымызда небәрі 36,9 процент орындалды. Бұл маңызды жұмыста әсіресе Приещім, Совет, Ленин, Полудень аудандары кешіргісіз артта қалып отыр. Бұларда егіс планы 15,6—24,7 процент ғана орындалды.

Күздік егу жұмысы әсіресе совхоздарда айтарлықтай емес. Қызыл және Шағлы астық совхоздары бұл жұмысты әлі кешейдетіп отыр. Бұл совхоздарда егіс тұқымы да, жұмысшы күші де, машина-саймандар да толық жеткілікті. Күздік егісті мезгілінде аяқтауға бұларда мүмкіндік мол. Бірақ совхоздардың басшылары жұмысты шын мәнісінде ұйымдастыра алмай отыр. Осының салдарынан күздік егіс планын Қызыл совхозы 18 процент, Шағлы совхозы 28 процент ғана орындады. Күздік егіс жұмысын осыншама қарқынды ұшыратқандығы үшін өздерінің отанымыз бен майдан алдында тікелей жауапты екендігін бұл совхоздардың басшылары ұғына ма екен?

Күздік егу жұмысы қарқындылығын мұншама кешіргісіз баяу болуына ең негізгі себеп—кейбір колхоз, совхоз басшыларының бұл жұмысқа жете маңыз бермей, «ең әуелі егін жыйнау жұмысын аяқтайық, күздік егіске үлгіміз ғой» деген ниетке салынып, жұмысқа кезек күттіріп отырғандығында болып отыр. Бұл сыяқты елеулі кемшіліктер іс үстінде дереу жойылуға тиіс.

Күздік егістің қарқындылығын мейлінше күшейте отырып, бұл маңызды жұмысты қысқа мерзімде ойдағыдай аяқтайық.

## Үгітші Грузинова жолдастың жұмыс тәжірибесі туралы

КК(б)П Солтүстік Қазақстан обкомі бюросының 1943 жылғы 23 августағы қаулысы

КК(б)П обкомі үгітші қызметіне жіберген завод қызметкері (директоры қов жолдас), КК(б)П мүшесі Н.В. Грузинова жолдастың партия-көпшілік жұмыс дұрыс ұйымдастырып, колхозшыларды Қызыл Армия жауынгерлерінің қандық істері рухында тәрбиелегендігін, оларды советтік патриотизм сезімінде жауға хасиетті өшпенділік сезімінде тәрбиелегендігін, өзінің еңбектегі ерлік істерімен «Свободный труд» колхозының (Мамлют ауданы) өзіне бекітілген 1-бригадада жоғары еңбек өніміне ие болғандығын атап көрсетіп, КК(б)П обкомының қаулы етеді:

1. КК(б)П аудандық комитеттері, бастауыш партия ұйымдары 1 сентябрьге үгіт коллективтерінің басшылары мен үгітшілердің семинарларын өткізіп, үгітші Грузинованың 22 августа «Ленинское знамя» газетінде жарияланған іс тәжірибесін (А. Кияница жолдасы «Үгітші Грузинова» деген мақаласы) талдауға, сондай-ақ, колхоз, совхоздарда егін жыйнау жұмыс істеуші тандау-гітшілердің іс тәжірибесін қорытып, осының негізінде колхозшылар, МТС, өз жұмысшылары арасында саяси-көпшілік жұмысын барған сайын жақсарту егін жыйнау жұмыстарында еңбек өнімінің арттырылу ісіне жетісуге міндеттен.

2. Мамлют ауданындағы «Свободный труд» колхозының 1-бригадасында партия-жұмысты жақсы ұйымдастырғаны үшін Грузинова жолдасқа кейлектік еме, туфля және саяси-әдебиет кітаптары сыйлыққа берілсін.

КК(б)П обкомының секретарі В. НИКОЛАЕВ.

## ОБЛЫСЫМЫЗДЫҢ ЕГІН ДАЛАСЫНДА

### ЧКАЛОВТЫҚТАРҒА ЖАУАП

Чкалов облысының комбайнерлері мен трактористерінің Советтер Союзының барлық комбайнерлері мен трактористеріне жазған үндеуін Совет ауданындағы Қызыл астық совхозының комбайнерлері мен трактористері өміршілдік зор өрлеумен қарсы алды.

Қазір совхоздың комбайнерлері мен трактористері Бүкілсоюздық социалистік жарысқа жаппай ұштасып, чкаловтықтардың үндеуіне іспен жауап беруде. Комбайнерлер Булавкин және Петренко жолдастардың комбайн агрегаты совхоз көлеміндегі ең озат агрегат. Агрегат мүшелері 7 күн ішінде 370 гектар егін жыйнап, едәуір жанармай үнемдеді. Булавкин және Петренко жолдастар екі «Сталинец» комбайнымен норма бойынша күн сайын 30 гектар

орнына әрдайым 40 гектар аланның егінін жыйнап, жанармайдың 10 процентін үнемдейді.

Совхоз партия ұйымының секретарі Бобашкин жолдас чкаловтықтардың хатын барлық комбайн агрегаттары мен трактор отрядтарында талқылап, озаттардың іс үлгісін көпшіліктің игілігіне айналдыру үшін күш жұмсауда. Чкаловтықтардың үндеуін жете талқылағаннан кейін совхоз комбайнерлері мен трактористері Бүкілсоюздық социалистік жарысқа жаппай ұштасып, комбайн және трактормен істелетін жұмыстардың жылдық планын толық орындауға, егін жыйнау маусымында жұмсалып жатқан жанармайдың ең кем дегенде 10 процентін үнемдеуге міндеттеніп алды.

Е. ҚАРАВАЛИН.

### Егіннің теңжартысын орып болды

Көкшетау ауданындағы «Северный маяк» ауылшаруашылық артелинің (председателі Гаража жолдас) мүшелері егін жыйнау жұмысының алғашқы күнінен бастап өзара социалистік сарысты пәрменінше өрістетті. Сөйтіп майдандағыша жұмыс істеуде.

Еңбектің ойдағыдай ұйымдастырылуы нәтижесінде озат колхозшылар қатары көбейде. Мәселен, Шмелев жолдас егінді шемелелеуде жұмыс істеп, күнделікті тапсырмасын әрдайым 115 процент орындайды.

Мәликов, Иманбердин және Беликов жолдастар лобогрейкамен егін оруды нормаларын күн сайын 130 процент орындайды. Олардың іс тәжірибесі басқалардың игілігіне айналуда.

Бұл колхоз егін жыйнауға аудан көлеміндегі озат колхоздардың бірі болып саналады. Қазір колхоз жалпы егіннің 50 процентін орып болды. Колхозшылар мен колхозшы әйелдер астықтың бір дәнінде ысрапқа ұшыратпай жыйнап алу үшін аянбай еңбек істеуде.

Р. АСАНОВА.

### Міндеттеме орындалды

Совет ауданындағы Чағлы МТС-ның комбайнері Демиденко жолдас социалистік жарысқа ұштасып, «Сталинец» комбайнымен егін жыйнауға тапсырманы 200 процент орындап жүр. Ол жанармайдың, 10 процентін үнемдеуге міндеттеме алған болатын. Бұл міндеттемелерін аброймен орындауда.

Демиденко жолдасының басқаруына

дағы агрегаттың мүшелері қажырлы еңбек істеп жүр. Олар соңғы аптада 98 гектар егін орды. Жұмыстың сапасы өте жақсы. Сөйтіп жұмыс нормасын 155 процент орындады.

Агрегат мүшелері егін жыйнауға стахановша еңбек істеп, социалистік жарыста озып шығу үшін барлық күш-жігерлерін жұмсауда.

Б. АСКАРОВА.

### Астық дереу дайындау пунктіне тапсырылсын

Чкалов ауданындағы «Тапшыл» колхозында (председателі Шахманов жолдас) 221 гектар аланның егін орылып, мұның 128 гектары маяланды.

Бірақ егін жыйнау және мемлекетке астық тапсыру жұмыстарының алғашқы күндерінде едәуір елеулі кемшіліктер болды. Егін оратын лобогрейкалармен тәуліктік график орындалмады. План бойынша күні-

не лобогрейкамен 40 гектар аланның егін оруды керек еді. Бірақ ол юсы күнге дейін 20 гектардан асқан емес. Егін оруды және мемлекетке астық тапсыру жұмыстарының арасында алшақтық бар.

Колхоз басқармасы алғашқы күндері кездескен кемшіліктерді іс үстінде дереу жойып, егін жыйнау және мемлекетке астық тапсыру жұмыстарын бар пәрменінше өрістетуге міндетті.

М. ЕРКЕБУЛАНОВ.

### МАЙДАНДЫҚ ОНКҮНДІКТЕ

Батыс Қазақстан облысының колхоздары быйыл былтырғыдан 100 мың гектар күздікті артық себеді. Майдандық онкүндіктің алғашқы екі күні ішінде 5.892 гектар күздік себілді. Зеленов ауданында 650 гектар жерге тұқым себілді. Каменскі ауданының колхозшылары күздік егісті ойдағыдай өткізу үшін екпінді бригадалар құрды.

Семей облысы, Новошұльба ауданы

ның Киров атындағы колхозы ауылшаруашылық құрал-саймандарын ремонттап, егістік жерді дайындап алды. Қазір график бойынша күніне 20 гектар жерге егін егудің орнына 25 гектардан егін егеді. Күздік егіске бөлінген тракторлар жер жырту, тырмалау, тұқым себу жұмыстарын бар пәрменінше өрістетуге мыстарын бірден жүргізеді. Норманы 4 гектардың орнына агрегат күніне 5 гектар жерге тұқым себеді.